



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI YA 12

TSHIVENDA LUAMBO LWA U ENGEDZA LWA U THOMA (FAL)

BAMMBIRI LA VHUVHILI (P2)

LARA 2014

MARAGA: 70

TSHIFHINGA: awara 2

Bammbiri ili li na masiatari a 18.

PFESESANI

1. Vhalani siatari heli nga vhuronwane ni sa athu u fhindula mbudziso.
2. Ni SONGO lingedza u vhala bammbiri lothe. Tolani Thebulu ya Zwi re Ngomu kha siatari li tevhelaho ni swaye nomboro dzo disendekaho kha bugu dze na guda riwaha uno. Vhalani mbudziso idzo ni koneha u nanga dzine na tama u fhindula.
3. Bammbiri heli lo vhumbwa nga KHETHEKANYO NNA:

KHETHEKANYO YA A:	Nganea	(35)
KHETHEKANYO YA B:	Dirama	(35)
KHETHEKANYO YA C:	Nganeapfufhi	(35)
KHETHEKANYO YA D:	Vhurendi	(35)
4. Fhindulani MBUDZISO MBILI dzo fhelela u bva kha khethekanyo MBILI DZINWE NA DZINWE.

KHETHEKANYO YA A:	NGANEA	Fhindulani mbudziso DZOTHE kha nganea ye na guda.
KHETHEKANYO YA B:	DIRAMA	Fhindulani mbudziso DZOTHE kha dirama ye na guda.
KHETHEKANYO YA C:	NGANEAPFUFHI	Fhindulani mbudziso DZOTHE kha nganeapfufhi dze na newa.
KHETHEKANYO YA D:	VHURENDI	Fhindulani mbudziso DZOTHE kha zwirendo zwe na newa.
5. Shumisani mutevhe wa u sedzulusa uri u ni thuse.
6. Tevhedzani ndaela dzo riwalwaho mathomoni a KHETHEKANYO INWE na INWe nga vhuronwane.
7. Nomborani phindulo dzanu kokotolo sa zwe mbudziso dza nomboriswa zwone kha bammbiri la mbudziso.
8. Ndangatshifhinga yo anganyiwaho: Shumisani minetse i re heneffa kha 60 kha khethekanyo inwe na inwe.
9. Nwalani nga vhudele nahone zwi no vhonala.

ZWI RE NGOMU

Siatari ili li do ni thusa kha u nanga mbudziso dzine na todou dzi fhindula ni songo vhuya na vhala bammbiri lothe.

KHETHEKANYO YA A: NGANEA

Fhindulani mbudziso DZOTHE kha nganea ye na guda

NOMBORO YA MBUDZISO	LUSHAKA LWA MBUDZISO	MARAGA	SIATARI
1. <i>U tshila ndi u vhona</i>	Mbudziso pfufhi	17	5
2. <i>U tshila ndi u vhona</i>	Mbudziso pfufhi	18	6

KHETHEKANYO YA B: DIRAMA

Fhindulani mbudziso DZOTHE kha dirama ye na guda.

3. <i>Findinkodo</i>	Mbudziso pfufhi	17	8
4. <i>Findinkodo</i>	Mbudziso pfufhi	18	10

KHETHEKANYO YA C: NGANEAPFUFHI

Fhindulani mbudziso DZOTHE kha nganeapfufhi dze na newa.

5. Wo mu nonela	Mbudziso pfufhi	18	12
6. Dokotela wa mukhuwa nandi	Mbudziso pfufhi	17	13

KHETHEKANYO YA D: VHURENDI

Fhindulani mbudziso DZOTHE kha zwirendo zwe na newa.

7. Ho nengiwa: 17 Lambamai 1988	Mbudziso pfufhi	18	15
8. Nelson Mandela	Mbudziso pfufhi	17	17

MUTEVHE WA U SEDZULUSA

Itani luswayo kha khethekanyo dze na fhindula dzone.

KHETHEKANYO	MBUDZISO	MBUDZISO DZI TEAHO U FHINDULWA	LUSWAYO ✓
A: Nganea (Mbudziso pfufhi)	1–2	2	
KANA/NA			
B: Dirama (Mbudziso pfufhi)	3–4	2	
KANA/NA			
C: Nganeapfufhi (Mbudziso pfufhi)	5–6	2	
KANA/NA			
D: Vhurendi	7–8	2	
PFESESANI: Ivhani na vhutanzi uri no fhindula mbudziso u bva kha khethekanyo MBILI fhedzi.			

KHETHEKANYO YA A: NGANEA***UTSHILA NDI U VHONA – RN Madadzhe***

Fhindulani mbudziso **DZOTHE** kha idzo dzi re afho fhasi dzo disendekaho kha nganea ye na guda.

MBUDZISO 1

Vhalani mafhongo a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

'Ndi do ni lugisela zwiliwa zwine na do ri u la, na nanzwa minwe.'

'Maria, u da nduni yanu ndi zwi funa nga maanda, fhedzi ndi nga si kone u da vhunga ndi munna wa muniwe muthu ndi hafha. Arali vhathu vha do mmbona ndi nduni yanu vha do ri mini? Nahone Phophi u do ri mini? Ndi do mu vhudza mini nga hazwo?'

'Aa, inwi ni kha di shavha uri vhathu vha do ni vhona hani? Nne a thi na mushumo na Phophi na vhathu. Nne musidzana ndi fanela u diphina nga vhutshilo. Ndi ngazwo ndo vhuya nda ri ni a rothola nga u vhona ni sa bvi mafhi.' A kha di vha ene Maria, a dovha a isa phanda.

A ni zwi vhone zwauri zwiambaro zwa u dura ho vha hu u ambarela inwi? Namusi a tho ngo dilugisela u haniwa ha khumbelo yanga.'

'Muthannga wanu Mashudu a zwi pfa, a hu nga do vuwa vhuswina vhu no nga ha mmbwa na tshimange?'

'Inwi ni songo ofha swiswi li si na phele. Mashudu a hu na zwine a nga ita, nahone nne a thi tsha mu funa.' Mpho o ri u pfa ili fhungo, a si tsha kondza, a mbo di tenda zwauri u do ya a dalela Maria nga matshelo.

- 1.1 Ndi ufhio muanewa afha mafhungoni o itaho zwi songo doweleaho?
Tikedzani phindulo yanu. (2)
- 1.2 Ndi tshini tsho itaho uri zwe havha vhathu vha dzulela zwi divhee? (2)
- 1.3 Sumbedzani uri vhushaka ha Mpho na Maria ho shandukisa hani kutshilele kwa Mpho hayani na mushumoni. (2)
- 1.4 Hu na muthu/vhathu vho tambaho tshipida tsha u lutanya buguni iyi, ndi ...
Nangani phindulo yo teaho.

- A Ndatiso.
- B Maria.
- C Phophi.
- D A na B

(1)

- 1.5 Talutshedzani vhungoho ha fhungo lo swifhadzwaho no sedza khudano yo vhaho hone vhukati ha Mashudu na Mpho. (2)
- 1.6 Tshipiда tshe na vhala tshi ni ḥanela mvumbo-de ya Mpho? (1)
- 1.7 Talutshedzani masiandaitwa a vhuhwarahwara e Dzwaini na Dugudzha vha ḥangana nao. (2)
- 1.8 Ndi zwifhio zwine muñwali a tama u ri funza nga mafhuno a bugu iyi? (2)
- 1.9 U dzhia u vhulaha sa u tandulula thaidzo ni vhona zwo lulama na, no sedza kha muaanewa Mpho? Ḥandavhudzani. (3)
[17]

NA

MBUDZISO 2

Vhalani mafhuno a tevhelaho a bvaho kha nganea ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

'Nga vhanna! Ndi Dzwaini na Dugudzha naa?' Muambi ndi Mpho.
 'Ee! Ndi riñe vhodokotela.' Mufhinduli ndi Dzwaini.
 'Malandu ndi mini no namela goloi ya mapholisa?' Mpho u vhudzisa mbudziso iyi mabiko a tshi tou shuluwa kha tshifhaṭuwo.

'Ndi ngauri mafhuno o vhifha zwino.' Dugudzha u fhindula a tshi sumbedza u vha muthu o tshuwaho vhukuma.
 'Ndi ngani ni tshi ri o vhifha.'
 'Nñe ndi vho tou ri ngavhe ri songo vhuya ra ḥanganedza khumbelo yavho ya u vhulaha Mashudu.' Muambi ndi Dzwaini.
 'Naa matsina no farelwa u vhulaha Mashudu?'
 'Vhone vha ri hu na zwiñwe?' Dzwaini u fhindula mbudziso iyi a tshi khou ditika nga baka ya goloi vhunga yo vha i sa thamuwi zwone.
 'Izwi a no ngo nnyambulula vhat̄hannga?'
 'U farwa hashu zwi khou amba-vho u farwa ha vhone.' Mufhinduli ndi Dzwaini.
 Dugudzha nga ngei thungo u vhonala o farelela luṭaha.
 'Ndi hone no nthengisa vhat̄hannga.'
 'Ho vha hu si na tshiriwe tshithu tshe ra vha ri tshi nga ita. U vha ambulula hashu a zwo ngo vha vhugoswi, ro tou kombetshedzea.' Mufhinduli ndi Dzwaini.

'Tshelede ye nda ni badela u ita mushumo uyu zwi amba zwauri ndo sokou ni badelela mahala musi! Nñe ndo vha ndi tshi khou ri ni do ita mushumo wa tshinna une wa dihwa nga Ramakole fhedzi. Vhonani zwino no sokou ri dzhenisa khomboni.' Mpho u amba mafhuno aya a tshi vhonala e muthu o dinaleaho vhukuma.

- 2.1 Zwine zwa khou ambiwa afho mafhungoni zwi khou ambiwa ngafhi? (1)
- 2.2 Ndi ufhio muanewa mafhungoni aya o tsitsaho tshirunzi tshawe? Tikedzani. (2)
- 2.3 Zwo dzhia tshifhinga tshingafhani uri Mpho na Dzwaini na Dugudzha vha tendelane kha izwi zwe vha farelwa zwone? (2)
- 2.4 Ni tshi khou shumisa maipfi aŋu, ḥalutshedzani zwe zwa bvelela ḫuvha le Mashudu a vhulahwa ngalo. (2)
- 2.5 Ḫifurase lo swifhadzwaho mafhungoni aya li ri dzumbululela zwifhio malugana na vhuḍipfi ha Dugudzha? Ḫalutshedzani. (2)
- 2.6 Maano e Mpho a a luka a u vhulaha Mashudu o mu dzenisa kha khakhathi-de? (1)
- 2.7 Fhindulani ngauri ndi zwone kana a si zwone ni dovhe ni tikedze phindulo yanu. Mpho o thoma a tshi vhona unga hoyu mulandu u do leluwa khae. (2)
- 2.8 Ndi afhio mafhingo ane a ri ḥetshedza mathakheni kha bugu iyi? (2)
- 2.9 Mpho o vha o thanya, a songo thanya. Ḫatani ni dovhe ni tikedze phindulo yanu. (2)
- 2.10 Vhudipfi hanu zwi tshi elana na tsheo ya khothe ndi vhufhio? Ambani-vho na nga ndila ye munwali a khunyeledza mafhingo. (2)
[18]

THANGANYELO YA KHETHEKANYO YA A:

35

KANA/NA

KHETHEKANYO YA B: DIRAMA**FINDINKODO – TT Mudau**

Fhindulani mbudziso DZOTHE (Mbudziso pfufhi) kha idzo dzi re afho fhasi dzo disendekaho kha dirama ye na guda.

MBUDZISO 3 (MBUDZISO PFUFHI)

Vhalani mafhundo a tevhelaho a bvaho kha dirama ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

Muthumukhulu:	Vho De Wit vho vhuya vha nnduma n̄devhe nga mafhundo a u do litsha u shumisana na riñe kha muvhuso wa mbuelano ya lushaka.
Skosana:	Mulandu?
Muthumukhulu:	Vha ri a vha vholi vha tshi nga nekana tshanda na rine ngauri vha pfa vha sa vhofholowi. Tshinwe hafhu, vha ri vha toda u fhata lihoro la Lushaka vhe nn̄da ha khoro dza phalamennde.
Duma:	Aya ndi maswa.
Skosana:	Nne a thi vha vholi mulandu havha vhanna, nga maanda arali polotiki yavho i ya u fhata hu si u thutha. Arali polotiki yavho ya nga ya Kapa Vhukovhela, ine ya vha ya phurophaganda ya 'swaart gevaar' afho a ri nga andani.
Duma:	Vhanna, ri fanela uri ri thanye ri vule maño. Havha vhanna vha vholi u nga vha ya tanzwa nguvho dzavho dzo donaho.
Muthumukhulu:	Nne a thi na ndavha na zwinzhi, tenda vharema vha dzula vho vhofholowa, vhe na pfanelo dzothé dzo vha teaho.
Duma:	Vhaniwe vhathu vha vholi vho tshinya avho madzina buguni dza divhazwakale, zwino vha vho toda u penndulula vhuada he vha ita nga pennde ntswa.
Skosana:	Ndi vhone vho daho na 'apartheid.' Ro ligi ri tshi tambula ri si na ndaka, ri si na shango, ri si na mulomo nga phula shate-shate. Ndila ya hone i yeneyi nthihi ya u panga vhathu dzhele tshitangadzimeni hangei.
Duma:	Hu tou nga vho humbula uri vharangaphanda vhashu vha do hangwiwa vha fhedza vho fela dzhele.

- 3.1 Vhaambi vha mafhungo a re afho nthā vha khou amba vhe ngafhi?
Tikedzani. (2)
- 3.2 Vhathu vhane vha khou amba afha vha khou tshila nga tshifhinga tsha musi hu na mahoro mavhili mahulwane muvhusoni, ndi afhio? (2)
- 3.3 Hu na muthu/vhathu vho tambaho tshipida tsha u lutanya buguni iyi, ndi ...
Nangani phindulo yo teaho.
- A Skosana.
B Skiet.
C Duma.
D A na B (1)
- 3.4 Ni tshi khou shumisa maipfi aṇu, talutshedzani zwe vha Lihoro la Lushaka vha amba kha khoniferentsi ya vhoramafhungo. (2)
- 3.5 Ni vhona tsheo yo dzhiwaho nga Coetzee ya u dibvisa kha zwa polotiki i yavhuđi na? Talutshedzani. (2)
- 3.6 Kha bugu heyi ndi zwifhio kha mvumbo ya Muthumukhulu zwi mu fhambanyaho na vhashumisani ngae? (1)
- 3.7 Talutshedzani masiandaitwa e a bvelela kha Duma na Skosana nga u sa tevhedza maitele a lihoro lavho. (2)
- 3.8 Ndi afhio mafhungo ane a ri netshedza mathakheni kha dirama iyi? (2)
- 3.9 Ambani vhudipfi hanu malugana na u diimisela ha De Wit kha mushumo wa lihoro. (2)
- 3.10 Ndi ngani ri tshi nga ri muvhuso wa tshitalula wo vha wo khakhea? Tanđavhudzani ni tshi u vhambedza na wa namusi. (2)

[18]

NA

MBUDZISO 4 (MBUDZISO PFUFHI)

Vhalani mafhungo a tevhelaho a bvaho kha dirama ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

Muthumukhulu:	Kha muvhuso une wa do vha hone miñwaha miraru idaho, Phuresidenthe wa shango u do vha na mufarisi muthihi, a vha tsha do vha vhavhili.
De Wit:	Rine ilo a ri imi nało. Ri vhona li sa do fhaña lushaka, li do hudza dziphambano vhukati ha lushaka, khwiñe ndi musi vhathusaphuresidenthe vhe vhavhili.
Skosana:	Thaidzo ndi ya uri zwi khou durela shango u badela poswo dzi si na mushumo. Miñwe mishumo i khou sokou dovhola ngeno i sa disi mvelaphanda. Phuresidenthe kha vhe muthihi, a vhe na mufarisi muthihi.
Muñwe wa CAP:	Ilo ri ima nało.
Muñwe waVCP:	Na riñe ri ima na la phuresidenthe muthihi na muthusaphuresidenthe muthihi. Kha zwi ombedzelwe kha ndayotewa heyi.
Coetzee:	Vhanna, kha ri litshe u ita zwithu ri songo vhuya ra humbula. La phuresidenthe muthihi na muthusaphuresidenthe muthihi a thi imi nało. Li na vhuñudzetudze ngauri muvhuso uyu a u na ndinganyelo ya miumbulo ya vhathu vho fhambanaho. U do isa phanda na vhufogoli hawo a kaidzaho na u sumba ndila dzo peamaho.
De Wit:	Ri khou amba nga 'Checks and balances'.
Muthumukhulu:	A si dimokirasi heyo. Vhathu vha do vhusa nge vha voutelwa nga vhathu. Hezwi zwa u sokou kumedza vhathu zwidulo ngeno vha songo voutelwa zwi khou do fhelisa kha khetho dzi daho.
De Wit:	Ndi ngazwo riñe ri tshi ri kha ri tendelwe ri bve muvhusoni hoyu hu tshee na tshifhinga ngauri arali ra twa muvhusoni hoyu, ri do liwa. Vhathu a vha nga ri divhī.

- 4.1 Ndi nnyi ane a vhonala a tshi khou da na muhumbulo wa thungo tshothé kha ya vharíwe? Tikedzani. (2)

- 4.2 Topolani mutualadzi une wa sumbedza uri De Wit u a zwi vhona uri ha na vhumatshelo kha nzulele i re kha mafhungo e na vhala. (1)
- 4.3 Hu na mu^gtangano wo rangelaho hoyu we na vhala, ndi wa vhafhio nahone vha tshi khou rera zwifhio? (2)
- 4.4 Zwo dzhia tshifhinga tshingafhani uri zwi vhonale uri tshumisano kha mahoro aya mavhili i nga si tende? (2)
- 4.5 Sumbedzani vhungoho ha fhungo lo swifhadzwaho mafhungoni a re afho n^gtha no sedza na ndila ye De Wit a li pfa ngayo. (2)
- 4.6 Muhumbulo wa Volkstaat wo fhedza u tshi vho nyaliwa na nga vha^gne vhawo.
Fhindulani ngauri Ndi zwone kana A si zwone. Ni dovhe ni tikedze. (2)
- 4.7 Ndi afhio mafhungo ane a ri sumbedza uri ho vha na khudano vhukati ha Lihoro la Madimokirasi na Lihoro la Lushaka kha dirama iyí? (2)
- 4.8 Ndi zwifhio zwine mu^gwali a tama u ri funza nga mafhungo a bugu iyí? (2)
- 4.9 Ambani vhudipfi hanu malugana na magumo a dirama iyí. (2)

[17]

THANGANYELO YA KHETHEKANYO YA B:

35

KANA/NA

KHETHEKANYO YA C: NGANEAPFUFHI**ZWA VHUTSHILO – NA Milubi na LL Mafenya**

Fhindulani mbudziso DZOTHE kha idzo dzi re afho fhasi dzo disendekaho kha nganeapfufhi dze na guda.

MBUDZISO 5 (MBUDZISO PFUFHI)**WO MU NONELA**

Vhalani mafhundo a tevhelaho a bvaho kha nganeapfufhi ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

Mafhundo o khakhea musi hu tshi swika vhana vha muvhundu wa hawe vha tshikolo vho da u dala hafha fhethu. Kana vhathu kuambele ku no ri u vhonwa zwi a vhonwa zwi ila u ambwa vha tou sa ku divha. Vharwe thingo vho rwa dzi tshi ya hayani. Na kha ene muñe Humbulani lwo swika.

Vhe musadzi u kha zwihulu. Na musi hoyu a tshi founa nga madekwana ha ngo vhuya a nga o pfa tshithu Humbulani. O vha o dzika a tshi nga mutuku. Musadzi u khou amba zwa tshituvho tshine a vha natsho uyu a sa vhuyi a nga hu na zwiñwe zwe a pfa lini. O di vhuya a vhuya a sa humbuleli tshithu Thathani. Nyambo ya munra i di vha yeneila ya maduvha ya lufuno.

Khoyu Humbulani afha vhukavhamabufo ha Kapa. O swika nga tsha vhukoma. U khou fara lenelia, **u shonolola phombwe ndi u tou ya malaloni**. U a mu divha Thathani, o thanya lune a sa tou mu wana a hu lugi tshithu. Zwino u do mu tala a sala a si na tshe a fara. O kondelela ndi zwone.

Hafhu na zwila zwa Isiraele o di zwi pfa a kondelela. Zwino hezwi u vho ofha uri zwi do disa lufu lwawe. Tenda mafhundo othe a uri vha dzula ngafhi o no a pfeledza. Na hezwi a tshi nanga bufho li no do swika vhusiku o itela uri a tou wana nwongo wa mafhundo.

- 5.1 Bulani fhethuvhupo ha mafhundo aya e na vhala kha nganeapfufhi iyi. (1)
- 5.2 U ya nga mafhundo e na vhala, ndi zwifhio zwe Humbulani a vha a tshi khou zwi todisia kha Thathani? Tikedzani. (2)
- 5.3 Zwo dzhia tshifhinga tshingafhani uri Humbulani a tende uri mufumakadzi wawe ha fulufhedzei? Tikedzani. (2)

- 5.4 Talutshedzani zwe zwa itea mathomoni a nganeapfufhi iyi no sedza vhushaka vhukati ha Humbulani na Thathani. (2)
- 5.5 Tshipida tshe na vhala tshi ni ḥanela mvumbo-de ya Thathani? Talutshedzani. (2)
- 5.6 Talutshedzani vhungoho ha fhungo lo swifhadzwaho no sedza khuḍano yo vhaho hone vhukati ha Humbulani na Thathani. (2)
- 5.7 Ni vhona unga zwe Thathani a ita zwa u dibvisa na muthu wawe o vha o zwi limuwa na uri u khou ḥidzhenisa khakhathini? Tikedzani. (2)
- 5.8 Hu na muthu o tambaho sa muluṭanyi we a tshutshudza Thathani, ndi ...
- A Freddy.
 B Mashudu.
 C Mukatshelwa.
 D A na C (1)
- 5.9 Vhudipfi hanu ndi vhufhio zwi tshi elana na tsheo ye ya dzhiwa nga Humbulani nga ha zwiito zwa Thathani? (3)
 [17]

NA

MBUDZISO 6 (MBUDZISO PFUFHI)

DOKOTELA WA MUKHUWA NANDI

Vhalani mafhongo a tevhelaho a bvaho kha nganeapfufhi ye na guda uri ni kone u fhindula mbudziso dzo vhudziswaho. Vhulapfu ha phindulo yanu vhu do langwa nga tshivhalo tsha maraga dzo avhelwaho kha yeneyo mbudziso.

'... Vhudokotela hawe a vhu ambi tshithu kha nne.' Dokotela ndi divha e wa mukhuwa fhedzi, **wa muthu mutswu u di dzula e lone la thavhani.**

Zwenezwo a tshi tou ralo manese vha re heneffo tsini vha thoma u sumbedza u sa fushea. Oo, zwino ni ḥoda uri uyu muisa ndi mu tendele a tshi ḥathuvha 'misisi' uri a kone u vhona ngoma ya mukhuwa? 'Neva'. U amba maipfi aya a tshi khou bvisa bibi ye a do i gidela nga fola a i funga. A dubisa luvhili na luraru, lwa vhuṇa mutsi wa vha u tshi thulidza nga dziningoni.

'Vhone, zwa 'misisi' a zwi tsha shuma. Zwo no bva vhukati ha shango. Na mafhongo hayo a ngoma ya mukhuwa a ri na na mushumo nao. Tshine ra ḥoda ndi u tshidza vhutshilo ha hoyu muthu.' Ndi sisita Mawela a tshi khou lingedza u fanyisela hoyu mukhuwa.

'Ohoho, arali muthu o takala, a tshi khou takalela u vhona ngoma ya mukhuwa u do tou shonela thavhani ya Mposi.' Louw uri u amba izwi a mbo di isa phanda na u dubisa bibi yawe.

U bva afho Louw a mbo di ita lunzili lwa uri a vhidzelwe dokotela wa mukhuwa. Sisita Mawela na ene a si tendevho. A ri dokotela a hu na muniwe nga nnnda ha onoyu o telwaho leneli duvha. Onoyu ndi dokotela Konani.

- 6.1 Bulani fhethuvhupo ha mafhungo e na vhala kha nganeapfufhi iyi. (1)
- 6.2 U ya nga mafhungo e na vhala afho nthia, ndi zwifhio zwe Louw a vha a tshi khou toda zwi tshi itwa? Talutshedzani. (2)
- 6.3 Zwo dzhia tshifhinga tshingafhani musi Louw o lindela zwe a humbela sibadela? Talutshedzani. (2)
- 6.4 Talutshedzani nyambedzano yo vhaho hone vhukati ha dokotela Konani na superithidenthe. (2)
- 6.5 Mafhungo e na vhala a ni tanelo mvumbo-de ya Louw? Talutshedzani. (2)
- 6.6 Talutshedzani vhungoho ha fhungo lo swifhadzwaho no sedza khudano ine ya vha hone vhukati ha vharema na vhatshena. (2)
- 6.7 Zwe Louw a ita kha u kombetshedza uri mufumakadzi wawe a alafhiwe nga mukhuwa o vhuya a zwi limuwa uri hu nga tshinyalelwia ene? Tikedzani. (2)
- 6.8 Louw a tshi hanelela kha u toda dokotela wa mukhuwa o itiswa nga ...
 - A u sanda dokotela wa murema.
 - B u sa vha na ndavha na vhutshilo ha mufumakdzi wawe.
 - C u dihudza.
 - D A, B na C
 (I)
- 6.9 Ni a mangadzwa na nga kuhumbulele kwa Louw na kwa musuphuritendenthe wa sibadela zwi tshi elana na dokotela Konani? (4)
[18]

THANGANYELO YA KHETHEKANYO YA C: 35

KANA/NA

KHETHEKANYO YA D: VHURENDI

Kha iyi khethekanyo, mbudziso dzi bva kha zwirendo zwi tevhelaho:

- 'Ho ḥengiwa' nga LR Ndlovu
- 'Nelson Mandela' nga WMR Sigwahulimu

Fhindulani mbudziso DZOTHE kha zwirendo zwe na ḥnewa.

MBUDZISO 7 (MBUDZISO PFUFHI)

Vhalani tshirendo tshi tevhelaho uri ni ḥdo kona u fhindula mbudziso dzo disendekaho khatsho:

Ho ḥengiwa: 17 Lambamai 1988 – WMR Sigwahulimu

- 1 Madida mbilu, madida mbilu
- 2 Muri wa murunzi wo sikuwi
- 3 Venda lo alariwa nga gole litswu
- 4 Duvha lo kovhela hu masiari.
- 5 Ri vhidzelela nnyi wee
- 6 Ri pfiwa nga nnyi wee
- 7 Kha vhutungu vhungafha
- 8 Ho tsikaho shango la Venda.
- 9 Inwi zwinoni ni fhufhafhufhaho
- 10 Inwi miri na dzithavha
- 11 Na inwi milambo ni elelaho
- 12 No vhona mini, no pfa mini.
- 13 Ni a zwi divha naa zwo waho
- 14 A no ngo zwi pfa naa zwa u xa ha mativha
- 15 Yawee ro tangulwa
- 16 Khosikhulu muphuresidennde Vho-PR Mphephu vho dzama.
- 17 Iwe duvha u ḥengeledzaho u tshi bva vhubvađuvha
- 18 Wo vha u hone muhali washu a tshi bva
- 19 Nazwino u hone wo mu vhona a tshi kovhela
- 20 A suvhelela maswiswini a vhuhwi.
- 21 Zwa Mudzimu a zwi fhedzwi nga muthu
- 22 Ndi thai i si na mubuli
- 23 Lufu ndi lamidza la ndozwo
- 24 Li godimisa vhahali na magoswi.

25 Ri na afhio maano?
 26 vhutali hashu ndi vhufhio?
 27 Dzinzambo dzashu dzi ngafhi?
 28 Ri fhufhe nzarara ri pfuke mulavhu.

29 Kha ri rudze mbilu ri zwi t̄anganedze
 30 Muhali vho ya vhuaweloni ha mirafho
 31 Zwe vha shuma vho shuma
 32 Ndi lone ifa lashu.

- 7.1 Topolani maipfi a sumbahō uri murendi u khou amba nga ha lufu. (1)
- 7.2 Ndi mutaladzi/vese ifhio ine ya sumbedza u kanganyisea ha murendi no sedza mitaladzi/vese 5–8? (1)
- 7.3 Kha tshitanza/ndima ya 6 topolani vese/mataladzi u sumbedzaho uri lufu a lu khethi. (1)
- 7.4 Muhumbulo muhulwane wo faredzwaho kha mutaladzi/vese 1–4 ndi ufhio afho tshirendoni? (2)
- 7.5 T̄alutshedzani zwine mutaladzi/vese 18 na 19 ya amba zwone. (2)
- 7.6 Ndi ngani murendi o shumisa khaesura kha mutaladzi/vese 12? (2)
- 7.7 Mutevhetsindo wa tshirendo itshi ndi ufhio? T̄alutshedzani. (2)
- 7.8 Ndi ngani murendi o shumisa liedzamuthu kha mutaladzi/vese 5–12? U khou t̄odou bveledza zwifhio? (2)
- 7.9 Ipfi 'ndozwo' lo shumiswaho kha mutaladzi/vese 23 li ni disela muhumbulo ufhio? (1)
- 7.10 Ambani muhumbulo wanu zwi tshi elana na ndila ye murendi a khunyeledza ngayo tshirendo itshi. (2)
- 7.11 U xeletwa hune murendi a khou hu amba no sedza itshi tshirendo, ni vhone hu u xeletwa nga ngo ho na? (2)
- [18]

NA

MBUDZISO 8 (MBUDZISO PFUFHI)

Vhalani tshirendo tshi tevhelaho uri ni do kona u fhindula mbudziso dzo disendekaho khatsho:

Nelson Mandela – WMR Sigwavhulimu

1 Duvha le la kovhela u tshi li vhona
 2 Ndi duvha line la khou bva u tshi li vhona
 3 A hu na mutodzi we wa rothisa,
 4 Iwe Nelson Mandela tshithavhelo tsha ngozwi ntswu.

 5 A hu na mukosi we wa tavha,
 6 Musi u tshi khadwa sa tshikono,
 7 U tshi tsela dindini li si na vhudifhinduleli,
 8 Wa dzula vhudzulavhafu miñwaha ya 27.

 9 Sa dzhogo yo dzumbiwaho mupfudzeni,
 10 Wo dzumbiwa dzhele miñwaha minzhi,
 11 Wa vhibvela dzhele na lufuno,
 12 Uri u vhe murangaphanda wa vharangaphanda.

 13 Ri fhululedza ngozwi yo u bebaño,
 14 Ngozwi ya mashudu mahulu,
 15 Ye khayo wa nwa vhuitungu na vhuhalí,
 16 Wa nanga u fela vhanzhi vho nyadziwaho.

 17 Duvha le wa kanda nn̄da,
 18 Māo au o kombodzwa nga duvha,
 19 Sa māo a lutshetshe luvhisi
 20 A tshi tangana na duvha lwa u thoma.

 21 Milenzhe yau ya tetemela u kanda mavu
 22 A shango le wa bebwa wa hulela khalo,
 23 Shango le vhomakhulu wau vha newa
 24 Nga Musiki-wa-vhothe uri li vhe ifa lavho.

 25 Ri u neani riñe ro rano,
 26 Riñe tsiwana dzo tangulwaho
 27 Riñe vha u tenda wone mutsho
 28 Tshashu a ri na nga nn̄da ha u ri a u ri tshileli.

 29 Wo funza vhatsikeledzi na vhatshubi vhau,
 30 Uri naho mbilu yo tsikwa a wo ngo xedza tshiseo,
 31 Tshiseo tshi serekenyaho makole matswu
 32 O tibaho fulufhelo la ngozwi ntswu.

33 Ndi a wana ngafhi maipfi a ndunzhe-ndunzhe
 34 Ane ngao nda vhumba Mandela a sa fi
 35 Mandela wa tshifha^{tu}wo tshitete
 36 Ngeno mbilu yo hwala yo inga.

37 Ri fhululedza ri a renda
 38 Vhu^lali na nungo dzau
 39 Dze wa newa nga Mudzimu
 40 Uri u vhofholole vhathu vhawe vhuthubwani.

- 8.1 Topolani ipfi li sumbah^o uri Vho Mandela vho tambulela lushaka. (1)
- 8.2 Ndi mutualadzi/vese ifhio ine ya sumbedza uri murendi u khou kho^{da} mme a Vho Mandela? (1)
- 8.3 Topolani mutualadzi/vese ine ya sumba uri Vho Mandela vho tambudzwa ha sa vhe na zwe vha diambela. (1)
- 8.4 Muhumbulo muhulwane wo faredzwaho kha mutualadzi/vese 8 ndi ufhio afho tshirendoni? (2)
- 8.5 Muhumbulo muhulwane wo faredzwaho nga tshitanza tsha 4 (mutaladzi/vese 13–16) ndi ufhio? (2)
- 8.6 Mutevhetsindo wa tshirendo itshi ndi ufhio? Talutshedzani. (2)
- 8.7 Ndi ngani murendi o shumisa lifanyisi kha mutualadzi/vese 17–20? U khou todou bveledza zwifhio? (2)
- 8.8 Lifurase 'mbilu yo hwala yo inga' lo shumiswaho kha mutualadzi/vese 36 li ni disela muhumbulo ufhio? (2)
- 8.9 Murendi u sumbedza hani uri u tambudzwa ha Vho Mandela a ho ngo bvisa vhuthu khavho no sedza mutualadzi/vese 29–32? (2)
- 8.10 Sumbedzani vhungoho ha mitaladzi/vese 37–40, no sedza nzulele ya la Afrika Tshipembe ^{namusi}. (2)
- [17]

**THANGANYELO YA KHETHEKANYO YA D:
MARAGAGUTE:**

35
70